

Qasigiannuguit Aasiaallu akornanni erngup nukiganik nukissiorfiliorsinnaanissaq anguniarlugu aalajangiinissamut tunngavigisassamik Naalackersuisut UKA19 nallertinnagu saqqummiusseqqullugit peqquneqarnissaannik Inatsisartut aalajangiiffigisassaattut siunnersuut. Aalajangiinissamut tunngavissaliornermi ilanngullugu erngup nukiganik nukissiorfiliassap qanittuaniittut illoqarfiit nunaqarfiillu sorliit ilanngunneqarsinnaanissaat naliliiffigineqarsimassaaq taavalu nukissiutinut ataavartunut assigiinngitsunut Igaliko-mi misilittanermi paasisat atorneqarsinnaanersut ilanngullugit nassiuuasiunneqassallutik. Inatsisartunut ilaasortaq Aqqa Samuelsen, Inuit Ataqatigiit

Pillugu

Sanaartornermut ataatsimiititaliap

ISUMALIUTISSIISSUTAA

Siunnersuutip aappassaanneernejarnerani saqqummiunneqartoq

Suliarinninnermi kingullermi ataatsimiititaliaq ukuninnga inuttaqarpoq:

Inatsisartunut ilaasortaq Anders Olsen, Siumut, siulittaasoq
Inatsisartunut ilaasortaq Peter Olsen, Inuit Ataqatigiit, siulittaasup tullia
Inatsisartunut ilaasortaq Nikkulaat Jeremiassen, Siumut
Inatsisartunut ilaasortaq Justus Hansen, Demokraatit
Inatsisartunut ilaasortaq Aqqaluaq B. Egede, Inuit Ataqatigiit

UPA 2019-mi Ulloq 9. April 2019 siullermeerinninnerup kingorna siunnersuut ataatsimiititaliamit misissorneqarpoq.

Siunnersuutip imarisaa siunertaalu

Siunnersuuteqartup kissaatigaa, Inatsisartunut aalajangiiffigisassatut siunnersuummut misissuisoqassasoq. Aalajangiiffigisassatut siunnersuummi illoqarfiit nunaqarfiillu sorliit erngup nukiganik nukissialiorfissamut sorliit ilanngunneqarsinnaanersut pillugit paasisutissanik imaqassaaq Igalikumilu misilittakkat tunngavigalugit nukissiutinut ataavartunut periarfissat misissorneqassapput.

Siunnersuutip Inatsisartuni siullermeerlugu suliarineqarnera

Siunnersuut Inatsisartuni partiinit taperserreqarpoq. Naalakkersuisut paasinninnerat malillugu suliaq ingerlanneqalereerpoq, taamaammat siunnersuummik itigartitsipput.

Apeqqutit

Ataatsimiititaliap siunnersuummik suliaqarnissaminut Nukissiteqarnermut Naalakkersuisumut apeqqutinut arlalinnut akissuteqarnissaanik qinnuteqarnikuuvoq. Ataatsimiititaliap apeqqutai akissutillu assilineri uunga isumaliutissiisummut **ilanngussaq 1-tut ilanngunneqarpoq.**

Inatsisartut suleriaasiani § 33, imm. 1-mi takuneqarsinnaavoq, aningaasatigut allaffissornikkullu kingunerisassai aalajangiiffigisassatut siunnersuutip piviusunngortinnissaanut siunnersuutip tunngavilersuutaani allaaserineqarsimassasut.

Ataatsimiititaliap tamanna naapertorlugu, siunnersuutip piviusunngortinnissaanut aningaasatigut kingunerisassai allaaserineqarsimasut ima, aalajangiiffigisassatut tunngavissat suliarineqarnissaanut ukiup affaanut akissarsiaritinneqartussatut nalilerneqarsimasut.

Naalakkersuisut apeqqutit itinerusumik iserfiginngilaat, taamaammat ataatsimiititaliap imaalinnarluni siunnersuuteqartup siunnerfiata avataatigut allamik tunaartariniagassaqaanngilaq. Ataatsimiititaliap siunnersuuteqartup naliliinerata avataatigut allamik naliliinissamut tunngavissaqarsorinngilaq, maluginiarpaali, suliaq ilaannakortumik Naalakkersuisunit suliarineqareersimappat, akissuteqaatitut allakkaminni allannerattut, ukiup affaanut akissarsiaritinniarneqartut paasissutissanik ilisimariikkanut allaaserinninnissamut annertuginarput.

Ataatsimiititaliap siunnersuummik suliaqarnera

Ataatsimiititaliap siunnersuut misissuataarpaa Naalakkersuisunullu apeqquteqaqqillutik. Sanaartornermut ataatsimiititaliap paasivaa, naalakkersuinikkut suliaqartunit nukissiamik mingutsitsinngitsumik pilersaarusiornerup annertusiartortinneqarnissaa sanaartornissamullu piareersartoqarnissaa taperserreqartoq. Sanaartornermut ataatsimiititaliap maluginiarpaattaaq, pingaartillugulu, ungasianit kiassaaneq annertusiartortinnissaannut suliniutinut tapersersuisoqartoq. Malugineqarportaaq, ungasianit kiasaanermik aqquatinik annertusarneqarnissaannik arlalinnik suliniuteqartoqarmat tamannalu tikilluaqquneqarmat.

Ataatsimiititaliap tassunga atatillugu kissaatigaa Naalakkersuisut 9. Maj Sanaartornermut

ataatsimiititaliamut akissuteqarnermini allammat ”Nukissiorfiit naliliinerigallarpaat kiassarnermut pumpit ataatsimoorussat atussallugit soqutiginarnerusut, kissartumut pumpinit ataatsiakkaaniit inuiaqatigiit aningaasarsiornerat ataatsimut isigalugu.”

Suliniutit erngup kuutseriaannartut soorlutaaq ungasianit kiassarnermut aqutunik pilersuinnermut allallu suliniutiginiarneqartut peqatigiilluni aaqqiissuteqarfiginiarneqarnerat pitsaasutut tiguneqarput, peqatigiilluni sanaartugassanut aningaasaliinikkut innuttaasunut inuiaqatigiinnullu ingerlatsinermut aningaasartuutunik appartitsisinnaasut.


Ataatsimiititaliap paasinninnera malillugu, ataatsimiititaliap paasisutissat ugartugaat amerlasuut Naalakkersuisut katersoreersimavaat. Ataatsimiititaliap akissutit tigusimasani tunngavigalugit paasivaa, Naalakkersuisut aalajangiiffigisassatut siunnersuuteqarnermi ugartorneqartut suliaralugit aallartereeraat naatsorsuutigineqartorlu 2019-mi ukiup affaani suillermi naammassineqarnissaat taannalu 2019-mi ukiakkut ataatsimiinnissamut siunnersuutaasussamut ilanngullugu saqqummiullugu suliariniarneqartoq.

Naalakkersuisoqarfimmi siunnersuut pisariaqanngitsumik sulisoqannginnissaanik suliassatut pilersaarutip ilaatut immat, ataatsimiititaliap paasisinnaanngilaa, soq siunnersuut taparserneqarniannngimmat.

Inassuteqaat

Ataatsimiititaliap isumaqatigiittup tamanna tunngavigalugu siunnersuut inatsisartunit akuerineqarnissaa inassutigaat


Taamatut oqaaseqarluni siunnersuummilu allassimasutut paasinnilluni matumuuna
ataatsimiititaliap siunnersuut aappassaanniigassanngortippaa.




Anders Olsen, Siulittaasoq




Peter Olsen



Aqqaluaq Egede



Nikkulaat Jeremiassen



Justus Hansen